

СЛУЖБА СВЯТЫМ НОВОМУЧЕНИКОМ И ИСПОВЕДНИКОМ РОССИЙСКИМ

Текст Службы святым новомученикам воспроизводится по оригинальному изданию Русской Православной Церкви Заграницей

Служба сопровождается подстрочными примечаниями с указанием, какие именно святые поминаются в ее песнопениях. Текст Похвального слова митрополита Анастасия (Грибановского) сверен по изданию: **НОВЫЕ МУЧЕНИКИ РОССИЙСКИЕ**. Первое собрание материалов. Составил протопресвитер М. Польский. Типография преп. Иова Почаевского. Holy Trinity Monastery, Jordanville, N.Y., 1949 г. Список святых новомучеников, почитаемых Русской Православной Церковью Заграницей, воспроизводится без исправлений (за исключением перевода на современную орфографию) по Свято-Троицкому календарю на 1998 год. Уставные указания к Службе дополнены Марковой главой о праздновании святым новомученикам в Неделю о мытаре и фарисее, о блудном сыне или мясопустную в соответствии с уставными указаниями в Троице Постной.

Совершается память их в Неделю, ближайшую к 25-му ианнуария. И еще будет 25-е ианнуария в понедельник, вторник или среду, поем новомучеником в Неделю, яже есть пред сим, аще ли будет в четверток, пяток или субботу, поем им в Неделю последующую. Аще прилучится 25-е ианнуария в день недельный [воскресный], поем службу новомучеником в той же день, службу же святому Григорию Богослову в 27-й день ианнуария купно со службой святителю Иоанну Златоусту. Предваряет тогда служба святителю Григорию. Ведомо буди и сие: служба сия бывает, наченни от 22-го и восходящи до 28-го ианнуария. И аще прилучится тогда Неделя мытаря и фарисея, или блуднаго, или мясопустная, поем новомучеником с Троицкою непременно, якоже трем святителям по Марковой главе. Аще прилучится в той же день память великаго святаго, поем святому великому в субботу ближайшую, или в иной день. Аще же будет где в той же храм, поем службу храма с Троицкою непременно, святым же новомучеником во грядущую Неделю.

М Подобаает ведати, аще случится память святых новомучеников в Неделю мытареву, или блуднаго, или мясопустную, поем службу их с Троицкою сие. На малей вечерни поем вся, якоже на ряду в службе новомучеником писано есть. На велицей вечерни на Господи, возвах: стихиры воскресны 3, Троицы 3 и новомучеником 4, Слава, Троицы, И ныне, Богородичен догматик гласа. На стиховне стихиры воскресны, Слава, новомучеником, И ныне, Троицы. По Ныне отпускаеши: Богородице Дево: дважды и тропарь новомучеником единойды. На утрени, на Бог Господь: тропарь воскресен дважды, Слава, новомучеником, И ныне, Богородичен по гласу тропаря новомучеником. По кафисмам, седальны воскресны с Богородичны их. Также полиелей. И аще поеши святым новомучеником в Неделю блуднаго или мясопустную, ко двум полиелейным псалмам припеваеся и третий, еже есть На реках Вавилонских: поем Аллилуиа и величание святым новомучеником. Также поем псалом избранный новомучеников, и тропари Ангельский собор: Ипакои, и седальны новомучеников вси по единойды. Степенна и прокимен гласа. Всякое дыхание: Евангелие воскресно ряду. Воскресение Христово: По 50-м псалме Покаяния отверзи ми двери: Канон воскресен со ирмосом на 4, Богородичен из Октоиха на 2, Троицы на 4 и новомучеником на 4. Катавасия Сушу глубородительную землю: По 3-й песни кондак и икос новомучеником, Слава, седален новомучеником, И ныне, седален Троицы. По 6-й песни кондак и икос Троицы. По 9-й песни светилен воскресен, Слава, новомучеником, И ныне, Троицы. На хвалитех стихиры воскресны 4, новомучеником 4 со славным с припевами их, Слава, Троицы, И ныне, Преподобнословенна еси: Перед первым часом стихира евангельская. На литургии блаженна гласа, на 4, и Троицы, песнь 3-я на 4, и новомучеником на 4. По входе тропарь воскресен, новомучеником, кондак воскресен, Слава, кондак новомучеником, И ныне, кондак Троицы. Прокимен, Апостол, аллилурий, Евангелие и причастен воскресны и новомучеником.

НА ВЕЛИЦЕЙ ВЕЧЕРНИ,

по кафисме, на Господи, возвах: стихиры воскресны 4 и новомучеником на 6, глас 1:

**Начало ныне положим, о бр́атие,/ молением теплым к новым
угодником Бóжиим:/ т́ии бо страшными мучении очища́еми,/ рождие
плодоносныя лозы Христовы яви́шася,/ сла́достью благодати обильно
напо́емии,/ во благоухании святости их нам предлага́емии,/ да со
умилéнием назидающеся пóдвигом их,// принесем Богу и мы плод покая́ния.**

**Начáло крещения стра́шнаго,/ имже паки крестися земля Рýсская,/
восхвалíte, о горы Кíевския,/ крестом апостола Андрéа благословéнных./
Идéже бо благодать возсия роду нáшему/ от веры же и Духа во отвержение
Царствия Бóжия,/ тáмо подобаше начатися и сему обновл́ению/ кровию
первозакланнаго от святítелей рýсских,/ тезоимéннаго просветителю
нáшему./ Сей бо Владимир нóвый,/ из виноградника своего́ изведён/ за
врата священныя Лáвры Печéрския,/ венча́ния Стефанова сподобл́яется,/
прощая и благословляя убивáющих его́,// яко кроткий молитвенник о душа́х
наших.**

**Рыда́ние, жалость и го́ре:/ се свиток Иезекиилев, насытивый дýшу
твою́,/ святе Тихоне, Патриáрше нáш!/ Да услышится и ныне глас твой:
братие, архипастырие и па́стырие,/ зовíte чада ваша на защиту Церкви
правосла́вныя./ Да услышат же и разорители храмов Божиих огненное
сло́во твоё:/ аще еще токмо именем христианским нарица́етесь,/ властью
нам от Бога данною анафемáтствуем вас./ О страшнаго отлучения вечнаго!/
Се анафема никимже разрешаема!/ Се дерзновение патриаршее!**

**Неблагодарными едини оставленнии,/ святе царю наш страсотерпче
Николае,/ святая царице Александро Новая,/ небесных же наследниче
отроче Алексие,/ царственнии девственницы Ольго, Татиано, Марие и
Анастасие,/ седмерице святая, многими унижении восход обретшая,/
сострадалицы четыре с собою привлекшая,/ молитесь с ними Всеблагому
Богу,/ да прощения сподобит многопрегрешившия люди российския,/
умирит же мир и спасет души наша.**

Ины стихиры, глас 4:

Кроток, но непоколебим был еси, / Петрова града избранниче, / священномучениче Вениамине, / копронимы новыми обреченный, / лжепастырьми преданный власти богоборней. / Тогда же яви ты Бог учителя безбоязненна, / и се завет твой, из заточения возвещенный: / да не пощадим мы себе Церкви ради / и не предадим Святую Церковь себе ради. / На суде же беззаконнем твое слово бысть всем дивно: / жизнь ли или смерть ныне возвестите ми, / аз же знаменовав себе святым крестом, реку: // слава Тебе, Господи, Боже, о всех.

Жертвы Богу живопогребенныя / в кладезеподобный ров низринутыя: / прежде всех Елисавета страстотерпица, / к горним устремленная княгиня милосердная, / бисер православия в новом Отечестве обретающая, / Евангельски убийцу мужа своего простившая, / молитвою и благотворением Богу угодившая, / безбожными же непощажденная. / Помолитесь за нас святии князие, / помолитесь за всех преподобнии страстотерпицы, / Елисавето с Варварою верною. / Услышите нас, в веси Гефсиманийстей погребенныя, / услышите нас и тии, ихже погребение неведомо. / Услышите нас паки вкупе приятыя во обители Небесныя, // святая осмерице, молитесь Бога о нас.

Слава, глас 8:

Адамантово мужество ваше / слава есть Церкви Российския, / страстотерпцы и исповедницы новии, / ученицы бо есте Филипповы и Ермогеновы, / приснии же многострадальному Патриарху Тихону, / иже и даде вам имя свое. / Пребудьте терпением в бедах, / гоними и убиваемы. / Но кто изочтет и муки, горшая смерти; / обаче явистесь и проповедателие сущим с вами во узах, / просветителие прежденевещующих, / строителие святых таинств. / Велия вера ваша, // во всем явисте себе, яко Божии слуги.

И ныне, догматик гласа.

Вход, прокимен, и чтения 3.

Стихира на литии, глас 8:

Ангели Божии радостнии / призывают, да возрадуемся вси! / Сии бо радующиеся и о едином грешнице кающемся, / ликовствуют о множестве новых святых, / о мученицех и исповедницех Церкви Российския, / блистающиеся страданьями их: / се Царь, и сущии от дома Его, / Патриарх, иерарси, священницы, монаси / и множество человек всякаго звания, / узами и лишеньями искушеннии, / мученьми же лютыми и многообразными / и смертию, яже введе их в жизнь безконечную. / Сего же ради подвига их / дадеся им благодать молиться за ны, / царское бо суть тии священство, / надежда рода нашего обновления, / возвестители милости Спаса нашего, / призвавшаго их в Свой чудный свет.

Слава, и ныне: Богородичен, глас тойже:

Заступнице усердная, / скорбящих присное радование, / утешительница еси призывающих Тя в час испытания, / Пресвятая Владычице Богородице, / виждь храмы Сына Твоего разоренныя, / возри на поругание безбожными смиренных служителей Его, / услыши стенания рабов Твоих, / и Сама со страстотерпцы святыми / заступи и помилуй нас.

На стиховне стихиры воскресны.

Слава, глас 6.

О святии смиреннейшии священницы исповедницы,/ зрим вас, како в страшную годину гонений/ далече от домов ваших сослани бысте./ Зрим вас, гладных, цинготных, вида своего лишенных,/ струпиями кровоточащими покровенных,/ приставники биемых и сна лишаемых,/ плачущих о чадах оставленных/ и о матерех их беззащитных./ И кто испишет имена ваша!/ Кто поведает миру вся претерпенная вами!/ Обаче ведает Бог избранная Своя,/ сохранивший залог, врученный им даже до смерти,/ и сего ради дерзновение имущия молитися о нас.

И ныне, Богородичен, глас тойже.

Богородице, беспомощным помощи!/ Помози и ныне страждущим людям страны Российския,/ в заточении, в муках, или в тяжких обстояниях сущим./ Тебе молимся, молися Владычице/ со святыми новомучениками и исповедниками рода нашего,/ избавитися от бед многих рабом Твоим.

Тропарь, глас 4:

Цвети Российскаго луга духовнаго/ в годину лютых гонений дивно процветшии/ новомученицы и исповедницы безчисленнии:/ святителие, царственнии страстотерпцы и пастырие,/ монаси и мирстии, мужие, жены же и дети,/ добрый плод в терпении Христу принешии,/ молитесь Ему, яко насадителю вашему,/ да избавит люди Своя от безбожных и злых,/ да утверждается же Церковь Русская/ кровью и страданиями вашими// во спасение душ наших.

Или сей тропарь, новосоставленный, глас тойже:

Днесь радостно ликует Церковь Русская,/ яко мати чада, прославляющи новомученики и исповедники своя:/ святители и иереи,/ царственныя страстотерпцы,/ благоверныя князи и княгини,/ преподобныя мужи и жены/ и вся православныя христианы,/ во дни гонения безбожнаго жизнь свою за веру во Христа положившия/ и кровью Истину соблюдшия./ Тех предстательством, Долготерпеливе Господи,/ страну нашу в Православии сохрани// до скончания века.

И ныне, Богородичен, глас тойже:

Еже от века утаенное,/ и ангелом несведомое таинство,/ Тобою, Богородице, сущим на земли явися: Бог/ в неслитном соединении воплощаемь,/ и Крест волею нас ради восприим,/ имже воскресив первозданнаго,// спасе от смерти души наша.

НА УТРЕНИ

На Бог Господь: тропарь воскресен [дважды].

Слава, глас 4:

Цвети Российскаго луга духовнаго/ в годину лютых гонений дивно процветшии/ новомученицы и исповедницы безчисленнии:/ святителие, царственнии страстотерпцы и пастырие,/ монаси и мирстии, мужие, жены же и дети,/ добрый плод в терпении Христу принешии,/ молитесь Ему, яко насадителю вашему,/ да избавит люди Своя от безбожных и злых,/ да утверждается же Церковь Русская/ кровью и страданиями вашими// во спасение душ наших.

И ныне, Богородичен, глас тойже:

Еже от века утаенное,/ и ангелом несведомое таинство,/ Тобою, Богородице, сущим на земли явися: Бог/ в неслитном соединении

воплоща́емь,/ и Крест волею нас ра́ди воспри́им,/ и́мже воскресив
первозда́ннаго,// спасе от смерти души на́ша.

Полиелей и величание:

**Величаем вас,/ святии новомученицы и исповедницы Россійстии:/ и
чтем честная страдания ваша,/ яже за Христа// претерпели есте.**

Псалом избранный:

**Бог нам прибѣжище и сила,/ помощник в скорбех, обрѣтших ны зело.
Сего ради не убоимся, вегда смущается земля, и прелагаются горы в
сердца морскія. Возшумѣша и смятѡшася воды их, смятѡшася горы
крѣпостию Его. Речная устремлѣния веселят град Божий: оставил есть
селѣние свое Вы́шний. Бог посреде его, и не подвижится: поможет ему Бог
утро заутра. Смятѡшася языцы, уклонѣшася царствія: даде глас свой
Вы́шний, подвижется земля. Господь сил с нами, заступник наш Бог
Иаковль. Приидите и видите дела Божия, яже положи чудеса на земли:
Отъемля брани до конец земли, лук сокрушит и слѡмит ору́жие, и щиты́
сожжѣт огнем. Упразднитеся и уразумѣйте, яко Азь есмь Бог: вознесу́ся во
языцех, вознесу́ся на земли. Господь сил с нами, заступник наш Бог
Иаковль.**

Ангельский собор:

посем ектенія малая и возглас:

Яко благословися имя Твое:

Таже степенна воскресна, прокимен и Евангелие воскресное.

Зри: Аще храм святым:

Прокимен, глас 4:

Тебе ради, Господи,/ умерщвляеми есмы весь день.

Стих: Вменихомся яко овцы заколения.

Евангелие от Матфея, зачало 36-е.

По 50 псалме стихира, глас 6:

**Воскресения Христова истиннии свидѣтели/ явишася новии
страстотерпцы и исповѣдницы,/ имже праздник сей составихом/ како бы
тии понесли крѣст свой,/ аще не бы зна́ли,/ яко недостойнии суть страдания
нынешняго вѣремене,// к хотящей славе явѣтися в них.**

Даже до zde храма святым.

КАНОНЫ:

**Воскресный и Богородицы гласа. Аще в Неделю мытареву, или блуднаго, или
мясопустную, смотри Маркову главу ианнуариа в 30-й день. Таже новомучеников канон, глас
6:**

*Песнь 1, ирмос: Волною морскою скрывшаго древле, гонителя мучителя, под
землею скрыша спасенных отроцы: но мы яко отроковицы, Господеви поим, славно бо
прославися.*

*Песнь 3, ирмос: Тебе на водах повесившаго всю землю неодолимо, тварь
видевши на лобнем висима, ужасом многим содрогашеся, несть свят, разве Тебе,
Господи, взывающи.*

Кондак, глас 2:

**Нѡвии страстотерпцы Россійстии,/ исповѣднически поприще земное
претѣкшии,/ страданьми дерзновение приимшии, молитесь Христу, вас
укрепѣвшему,/ да и мы, егда найдет на ны испытанія час,/ мѡжества дар
Божий воспри́имем./ Образ бо есте лобызающим пѡдвиг ва́ш,/ яко ни**

скорбь, ни теснота, ни смерть/ от любви Божия разлучити вас не возмогша.

Ин кондак, новосоставленный, глас 3:

Днесь новомученицы Российстии/ в ризах белых предстоят Агнцу Божию/ и со Ангелы песнь победную воспевают Богу:/ благословение, и слава, и премудрость,/ и хвала, и честь,/ и сила, и крепость/ нашему Богу/ во веки веков. Аминь.

Песнь 4, ирмос: **На** Кресте Твое Божественное истощание провидя Аввакум, ужасся, вопиаше: Ты сильных пресекал еси державу, Блаже, приобщаяся сущим во аде, яко Всесилен.

Песнь 5, ирмос: **Б**огоявления Твоего, Христе, к нам милостивно бывшего, Исаиа свет виде не вечерний, из ноши утреневав зываше: воскреснут мертвии, и востанут сущии во гробех, и вси земнороднии возрадуются.

Песнь 6, ирмос: **Я**т бысть, но не удержан в персех китовых Иона: Твой бо образ нося, страдавшего, и погребению давшего, яко от чертога от зверя изыде: приглашаше же кустодии, хранящии суетная и ложная, милость сию оставили есте.

Песнь 7, ирмос: **Н**еизреченное чудо, в печи избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

Песнь 8, ирмос: **У**жаснися бояйся небо, и да подвижатся основания земли: се бо в мертвех вменяется в вышних Живый, и во гроб мал странноприемлется. Егоже отроцы благословите, священницы воспойте, людие превозносите во вся веки.

Песнь 9, Ирмос: **Н**е рыдай мене, Мати, зрящи во гробе, Егоже во чреве без Семени зачала еси Сына: встану бо и прославлюся и вознесу со славою, непрестанно яко Бог, верую и любовью Тя величающия.

На хвалитех стихиры воскресны Октоиха, также святых новомучеников, глас 6. Подобен: Все отложше:

Слыша страшну весть/ о гонениях, на Церковь Божию воздвигнутых,/ Всероссийский наш Собор, священный и великий,/ во едину мысль соборну вся совокупи/ и моления устави о гонимых/ и о убиенных исповедницах и мученицах/ в день святителя Владимира страдания и смерти./ Мудрствуяй сей день со Церковию мудрствует:/ дние преставления отшедших к Богу в муках/ деньми рождества их наречени быша./ Сего ради совершаем праздник сей,/ яко рождество Российских новых страстотерпцев.

Первоубиеннии за Веру и Церковь,/ первии по имени поминовения Святейшим Патриархом:/ о святителю Владимире, Печерский агнче,¹/ и пресвитеры старейшии сии:/ Иоанне², Петре³ же Иосифе⁴ и Павле,⁵/ преподобномученицы же Гервасие,⁶ Герасиме,⁷/ паки же священномученицы Павле,⁸ Петре⁹ и Феодоре,¹⁰/ Михаиле,¹¹ и Владимире¹² и Константине,¹³/ диаконе Иоанне,¹⁴ послушнике Антоние¹⁵ и смотрителю

¹ Святой священномученик Владимир (Богоявленский), митрополит Киевский и Галицкий, в Киевских Дальних пещерах почивающий († 25 января 1918)

² Святой священномученик Иоанн (Кочуров) протоиерей, Царскосельский, Петроградский († 31 октября 1917, память 8 декабря)

³ Святой священномученик Петр (Скипетров) протоиерей, Петроградский († 19 января 1918)

⁴ Святой священномученик Иосиф (Смирнов) протоиерей, Костромской († 22 февраля 1918)

⁵ Святой священномученик Павел (Дернов) протоиерей, Елабужский († 14 февраля 1918)

⁶ Святой преподобномученик Гервасий, игумен Свенский, Брянский († 1918)

⁷ Святой преподобномученик Герасим, священноинок Свенский, Брянский († 1918)

⁸ Святой священномученик Павел (Кушников) иерей, Бельский, Новгородский († 23 февраля 1918)

⁹ Святой священномученик Петр (Покрывалов) иерей, Тульский († 1918)

¹⁰ Святой священномученик Феодор (Афанасьев) иерей, Орловский († 1918)

¹¹ Святой священномученик Михаил (Чафранов) иерей, Севастопольский († 1918)

¹² Святой священномученик Владимир (Ильинский) иерей, Костромской († 22 февраля 1918)

¹³ Святой священномученик Константин (Снятинковский) иерей, Ярославский († 1918)

¹⁴ Святой мученик Иоанн (Касторский) диакон, Костромской († 22 февраля 1918)

¹⁵ Святой мученик Антоний, послушник Свенский, Брянский († 1918)

Иоанне¹/ со многим множеством священных, и монахов, и мирских,/ ихже имена вся вестъ Господь, молитесь Его о еже спастися нам.

Стих: Блажен муж бояйся Господа, в заповедех Его восхощет зело.

Вкупе со святым царем на всяк день оскорбляеми,/ о святии царице страстотерпице и девы царственнии,/ отроче же царственный святой/ и послужившии вам сострадальцы вернии,/ ношью неправедне вси убиени бысте,/ таже, яко жертвы правды всесожжени/ ходатаи есте о нас, яко кадило Богу благовонное./ С вами же и во другой день в страшных муках живопогребеннии/ со княгинею святою и другинею ея./ Ныне же всех спострадавших предваряя, о царю Николае,/ рода нашего святой печальниче,/ яко новый Иов, Господа моли прости всех.

Стих: Священницы Твои облечутся в правду, и преподобнии Твои возрадуются.

Глас 8.

Отрекошася просити милости/ осужденнии от безбожников священницы Божии²/ ихже благослови святой Патриарх,/ на муки и на смерть за Христа./ Егда же воутрие ведоми быша на казнь,/ не ведяху стражие,/ како сретшия их верныя отгонити./ Лобызаху бо людие обреченным смертником/ и священныя рuce их и одежды край,/ онем победно поющим:/ Христос воскресе из мертвых,/ смертию смерть поправ./ Господи молитвами священномучеников сих помилуй нас.

Слава: Стихира Евангельская [или Триоди].

Зри: Аще храм новомучеников, Слава: стихиры святых, глас 1: Не человецы спасают Церковь: [на малей вечерни].

И ныне: Богородичен, глас 2: Препоблагословенна еси, Богородице Дево:

НА ЛИТУРГИИ:

Блаженны гласа на 6 и святых новомучеников на 4:

Помяни Господи, страшная мучения, имиже о Тебе пострадаша страстотерпцы новии, от рода нашего ныне прозябшии, и приими моления их о спасении нашем.

Отверзл еси, Судие праведный, Царство Небесное исповедником Церкви Российской. Услыши, Господи, правду их, вонми моление их о спасении душ наших.

Слава: О Троице Пребожественная! Возврати пленение наше. Вемы, яко умножися якоже николиже прежде грех в стране нашей, но возсия и благодать в подвизе новых святых, иже и молят Тя, Трисвятой Боже, о спасении душ наших.

И ныне: Расточенныя собери, малодушныя возстави, отрекшиися же от святых веры призови и обрати, о Благодатная и Пречистая Дево Марие, со святыми новомученики и исповедники Христа Спаса умоляющи/ о прощении и спасении душ наших.

По входе тропари по уставу святых, имущих бдение, прилучившихся в неделю. Аще же Триодь, смотри Маркову главу ианнуариа 30-й день.

Прокимен гласа [или по Триоди] и святых, глас 7-й:

Тебе ради Господи, умерщвляеми есмы весь день.

Апостол рядовой и святых к Римлянам зачало 99.

Аллилуиа гласа и святых глас 4: Воззваша праведнии и Господь услыша их и от всех скорбей избави их.

Евангелие рядовое и святых от Луки зачало 106.

Причастен: Хвалите Господа с небес:

¹ Святой мученик Иоанн Перебаскин, смотритель Солигаличского Духовного училища († 22 февраля 1918)

² Святые мученики, пострадавшие от безбожников во время так называемого "процесса московских священников": святые священномученики протоиереи Василий (Соколов), Христофор (Надеждин) и Александр (Заозерский), священноинонок Макарий (Телегин) и святой мученик мирянин Сергей Тихомиров († 20 мая 1922).

И святых: Радуйтесь праведнии о Господе:

На молебном пении тойже прокимен: Тебе ради Господи: но глас 4-й: [смотри стих на утрени].

Евангелие от Матфеа зач. 36-е.